

**07 OCTOMBRIE**

**RUGACIUNEA 2**

**SF. CUVIOS**

**SERGHIE DE LA NURMA**

**Молитва**

О преподобне и достоблаженне отче Сергие, добрый наш пастырю и учителю! Ты еще на земли сей раб преискренний Спаса Христа показался еси, и многия дары благодатныя от Него прияти сподобился еси: по блаженнем же твоём успении Престолу неприступныя Его Славы предстоя, велие к Нему дерзновение имаши. Сего ради моли и о нас, влающихся в пустыни мира сего и сует его. Огради нас предстательством твоим от всех враг видимых и невидимых, от тлетворных ветр, смертоносныя язвы, от глада, труса, потопа, огня, меча, нашествия иноплеменных и от всякаго зла. Наипаче же, святче Божий, пролей теплое твое моление ко Господу о богохранимей державе Российстей, да в мире, тишине и благоденствии жительствуем. Моли, отче священный, Царя царствующих: страждущую страну Российскую от лютых безбожник и власти их Господь да

свободит, и да возставит престол православных правителей; верных рабов Его, в скорби и печали день и ночь вопиющих к Нему, многоболезный вопль да услышит и да изведет от погибели живот наш. Ограждай же молением твоим, преподобне, Церковь Христову Православную от ересей и расколов, ризу Христову раздрати тщащихся: испроси пастырем святыню, пастве о спасении ревность, старцем крепость и благое напутствие в жизнь вечную, средним лучшим быти, юныя уцеломудри и послушанию научи. Нам же всем, угодниче Божий, время на покаяние испроси, да не во гресех наших умрем, но да молитвами твоими, плоды достойны покаяния принесшим, вечную присноблаженную жизнь и сопребывание со святыми Его дарует нам Господь, да прославляем гласы немолчными Его неизреченное милосердие в безконечныя веки веков. Аминь.